



Bosnia and Herzegovina
Federation of Bosnia and Herzegovina

CANTON SARAJEVO
Ministry for Education

Broj: 11-04/03-34-55927-2/26

Sarajevo, 13.01.2026. godine

HIPPO Association
Via Galilei 10
05100 Terni, Italy

info@hippo-thecontest.org

Predmet: Odgovor, *dostavlja se*

Poštovani,

obratile ste se Ministarstvu za odgoj i obrazovanje Kantona Sarajevo (u nastavku teksta: Ministarstvo) dopisom u vezi sa organizacijom HIPPO olimpijade iz engleskog jezika, međunarodnog takmičenja koje promoviše učenje engleskog jezika i interkulturalne vrijednosti.

S tim u vezi, obavještavamo Vas da Ministarstvo, u skladu s programskim aktivnostima i u saradnji s JU Institutom za razvoj preduniverzitetskog obrazovanja Kantona Sarajevo, organizuje i provodi kantonalno takmičenje iz nastavnog predmeta Engleski jezik za učenike osnovnih i srednjih škola na području Kantona Sarajevo. Takmičenje je uvršteno u Kalendar takmičenja, smotri i drugih manifestacija za školsku 2025/2026. godinu

Škole na području Kantona Sarajevo imaju mogućnost da, na dobrovoljnoj osnovi, učestvuju u međunarodnim takmičenjima poput HIPPO olimpijade, ukoliko učenici i nastavnici iskažu interes.

Međutim, napominjemo da eventualna organizacija međunarodnog takmičenja- HIPPO olimpijade iz engleskog jezika od strane HIPPO Association, ne proizvodi dodatne finansijske obaveze prema nastavnicima uključenim u realizaciju gore navedenog takmičenja, u skladu sa važećim Kolektivnim ugovorom za djelatnost srednjeg obrazovanja u Kantonu Sarajevo („Službene novine Kantona Sarajevo“ br. 38/22, 47/22, 28/23, 31/23, 7/24, 39/24 i 17/25) (u nastavku teksta: Kolektivni ugovor).

Informišemo Vas da član 70. stav (1) Kolektivnog ugovora propisuje da nastavnicima-voditeljima sekcija/ekipa i drugih oblika vannastavne djelatnosti čiji učenici postignu zapažene rezultate učešćem

na takmičenjima, smotrama, javnim nastupima i konkursima u pojedinačnoj i ekipnoj konkurenciji, a koja se održavaju u organizaciji Ministarstva, stručnih asocijacija i međunarodnih organizacija, koje su planirane u godišnjem programu rada škole koji je odobrio Ministar, pripada novčana nagrada za osvojeno 1. 2. i 3. mjesto na kantonalnom, federalnom, državnom i međunarodnom nivou.

Slijedom navedenog, cijenimo da realizacija HIPPO olimpijade iz engleskog jezika koja se ne održava u organizaciji Ministarstva i koja nije planirana godišnjim programom rada škole, ista ne može proizvoditi obaveze po Budžet Kantona Sarajevo.

S poštovanjem,



Dostaviti

1. Naslovu,
2. JU Institut za razvoj preduniverzitetskog obrazovanja Kantona Sarajevo
Ul. Aleja Bosne Srebrne bb 71000 Sarajevo,
3. Svim srednjim školama na području Kantona Sarajevo,
4. a/a.